

UGOVOR O KUPOPRODAJI

zaključen dana 16.06.2015.godine u Sarajevu između:

K.J.K.P. "PARK" d.o.o. SARAJEVO, ul. Patriotske lige broj 58, kojeg zastupa direktor
Safet Baltić, dipl.ecc (u daljem tekstu Kupac)

IB 4200258320003

I PDV 200258320003

PB 01071316

T.R. 161 000 000 8150048 Raiffeisen bank d.d Sarajevo BiH

I

„TAKO BH“ d.o.o. SARAJEVO, Ul. Džemala Bijedića br.118, kojeg zastupa direktor
Mirza Tabaković, (u daljem tekstu Prodavac)

ID 4201542500000

I PDV 201542500000

TR 1610000134220075 Raiffeisen Bank d.d. BiH

I Predmet ugovora

Član 1.

Predmet ovog Ugovora je isporuka rezervnih dijelova za autiće na baterije (el.tajmer) (u daljem tekstu Roba), prema direktnom postupku i prema računu prodavca broj: 34/15 od 16.06.2015.god. koji čini sastavni dio ovog Ugovora.

II Cijena

Član 2.

Ukupna vrijednost isporučene Robe utvrđuje se u ukupnom iznosu od **KM 2.106,00 KM sa PDV-om**. Jedinične cijene za isporučenu Robu utvrđene su u nepromjenjivim - fiksnim iznosima na paritetu fco magacin u „Pionirskoj dolini“.

III Rok isporuke

Član 3.

Prodavac se obavezuje isporučiti Robu iz člana 1. ovog Ugovora u obimu preciziranom pojedinačnom narudžbom Kupca u roku od 3 dana.

IV Rok i način plaćanja

Član 4.

Kupac se obavezuje Robu iz člana 1 ovog Ugovora platiti Prodavcu u roku od 60 dana od dana isporuke Robe od strane Prodavca na osnovu fakture koju je obavezan ispostaviti Prodavac.

V Kvantitativni i kvalitativni prijem

Član 5.

Kvalitativni i kvantitativni prijem Robe iz člana 1. ovog Ugovora Kupac se obavezuje izvršiti odmah po prijemu.

Za eventualnu razliku u količini, odnosno za oštećenja ili slabiji kvalitet od ugovorenog Kupac je dužan sačiniti zapisnik kojeg će najkasnije u roku od osam dana dostaviti Prodavcu na odobrenje.

Prodavac se obavezuje priznati one reklamacije koje su praćane odgovarajućom dokumentacijom i povratom eventualno oštećene Robe ili Robe slabijeg kvaliteta.

Kod reklamacije Kupac je dužan navesti tačan broj i datum otpremnice, te račun Prodavca kako bi se zadovoljili uslovi reklamacijskog roka od osam dana.

Nakon reklamacijskog roka od osam dana reklamacije se neće uvažavati.

VI Ostale odredbe

Član 6.

U slučaju propusta Prodavca u izvršavanju Ugovora, Kupac može uz dostavljanje Prodavcu pismene obavijesti o neizvršavanju ovog Ugovora prekinuti ugovorni odnos u cjelini ili u njegovom dijelu, ako Prodavac ne ispravi svoj propust u roku od sedam dana nakon prijema obavijesti o propustu u izvršavanju ovog Ugovora.

Član 7.

Ako Prodavac ne isporuči Robu Kupcu u ugovorenom roku dužan je platiti ugovornu kaznu u iznosu od 0,2% (dva promila) računajući od vrijednosti konkretne narudžbe za svaki dan prekoračenja ugovorenog roka. Ukupan iznos ugovorne kazne ne može preći iznos od 5% (pet odsto) vrijednosti konkretne narudžbe.

Član 8.

Svaka ugovorna strana može otkazati Ugovor bez obrazloženja sa otkaznim rokom od 30 (trideset) dana.

Član 9.

Ako slučaj više sile potpuno ili djelomično spriječi izvršenje obaveza po ovom Ugovoru, ugovorna strana je obavezna obavijestiti drugu stranu u roku od 2 (dva) dana od dana nastanka više sile.

Član 10.

Ugovorne strane su saglasne da će sve eventualne izmjene i dopune ovog Ugovora regulisati njegovim Anexima.

Član 12.

Sve eventualne sporove ugovorne strane će riješavati sporazumno u duhu dobrih poslovnih običaja i uzajamnog povjerenja. Ukoliko se sporazumno rješenje ne postigne nadležan je sud u Sarajevu.

Član 13.

Ovaj Ugovor stupa na snagu danom obostranog potpisa ugovornih strana po ovlaštenim licima.

Član 14.

Sve izmjene i dopune ovog Ugovora mogu se vršiti isključivo i samo uz pismenu saglasnost ugovornih strana.

Član 15.

Sastavni dio ovog Ugovora čine:

1. račun prodavca broj: 34/15 od 16.06.2015.god.
2. Prilog br.1

Član 16.

Ovaj Ugovor je sačinjen u 4 (četiri) jednaka primjerka od kojih Kupac zadržava 3 (dva), a 1 (jedan) primjerak se uručuju Prodavcu.



Za Prodavca:

Direktor

Mirza Tabaković,

Broj: 005/2015

Sarajevo, _____

Za Kupca:

Direktor

Safet Baltić, dipl.ecc

Broj: JN-519-2

Sarajevo, 16.06.2015.g.

Mirza Tabaković